

第七卷

藝文

記傳

附詩歌

拾遺

續脩南鄭縣志

續修南

縣志

民國十一年
板樟農學校

續修南鄭縣志序


昔蕭鄴侯入咸陽盡收秦圖籍具知天下
要塞高祖用兵卒賴其利蓋自周設職方
分土分民國各有史家各有乘秦併六國
設郡縣嚴挾書之律獨圖籍掌之官司而
文獻之阮為甚馬遷以曠代奇才穿穴今
古作史記紹絕學體例精嚴遂開後來志

書家之祖新田幼寡學植弱冠廁身軍旅
僕僕戎馬間十有餘年軍行半天下所經
名都鉅邑嘗因兵事資討過輒攷其縣志
以備即戎之助指掌聚米開悟獨多始歎
古人運籌帷幄決勝千里得力於圖籍之
言為不我欺也往歲提師關中奉命防陝
南苦戰匝月漢中略定而駐軍總部以南

鄭為遼南鄭於勝國隸漢中府號為附郭
首縣綰轂水陸富擬巴蜀自國家設鎮道
以來倚為屏蔽在今日大勢不獨輕重陝
南一隅而已况天漢美名著聞歷代山川
鍾毓之秀意必有魁傑通儒經羅遺聞扶
斯文以不墜終以未覩為憾今春南鄭知
事阮君翺伯以續修新志見貽并索序於

余披覽嘉慰益歎斯志之成諸君子力勤
而志苦漢中在兵家為必爭之地諸君子
類載戰事上溯秦漢下逮民國中間於設
險防禦尤兢兢深致意焉殆亦有感於中
而發耶新田忝持兵柄責在固圉得是編
以啟予嘉惠袍澤不啻前導新志續前縣
令王樸園而成同治亂後王志付諸劫火

諸君子抱殘守缺於多事之秋毅然以著
述為已任自開局沆歲事不及三年遂使
此邦文獻絕而復存豈非一時盛舉歟故
特敘其有關於用兵之道以答阮君之請
至若斯志之佳海內有目共賞不復贅論
云壬戌四月幫辦陝西軍務陸軍第七師
師長合肥吳新田撰



重修南鄭縣志序

古者小史掌四方之志歷代
雖不領於專官而郡縣吏之
賢者類能及時脩輯備一邦
文獻之徵南鄭之有志伯於

前清乾隆朝邑令王櫟園
後同治髮逆之變縣城不守
走付劫火迄今垂六十載無
踵其事者民國歲在丁巳阮
君皋北攝縣篆慨朕有志於

是以調任不果邑孝廉藍君
葆初集同人請開局藏其事
竭數載力搜求王志採訪後
來凡增補若干卷於是縣志
復稱完善而皋北亦以其丰

再權縣事噫可異已夫以民
國多故政靡常軌官無固位
膺民社者倉皇補苴苟免於
戾之不暇其邦之賢士大夫
每甘肥遯不欲肆其力於舉

世不爲之事矧斯著述不朽
之偉業非具深識遠見未易
語此臯北倡意於始卒賴葆
初與同人之力樂觀厥成可
謂知政本矣丙坤忝寄巡宣

值兵歲之餘百端更始損益
曰革將取是編以爲伐柯之
則披覽既竟爰識數言於簡
端用嘉在事之勤俾守土者
知所先務庶觀風問俗有以

攷鏡云爾

民國十一年五月漢中道道尹合肥王兩坤撰



續修南鄭縣志序

舊制邑令視事日吏卽以縣志
進其大吏初下車令亦如之若
縣志有不備者令得及時修補
以聞誠以縣之有志不獨爲一
邑文獻之徵而風俗之剛柔古

今之興廢民生之休戚治道之
醇漓宜其政教補其偏弊胥於
斯取則而考鏡焉由是觀之縣
有志不綦重歟南鄭古漢中地
自設郡以來縣名屢易然縮輟
水陸歷代視為赤縣號稱繁劇